



29-30 მარტს თბილისში ევროკავშირ-საქართველოს საპარლამენტო თანამშრომლობის კომიტეტის მე-12 სხდომა გაიმართა, რომელზეც განხილულ იქნა საქართველოსა და ევროკავშირის ურთიერთობების აქტუალური საკითხები.

ევროკავშირ-საქართველოს საპარლამენტო თანამშრომლობის კომიტეტი მას შემდეგ შეიქმნა, რაც 1999 წელს ძალაში შევიდა ევროკავშირთან გაფორმებული „შეთანხმება პარტნიორობისა და თანამშრომლობის შესახებ“. ამჟამად ნელს ჩატარდება კომიტეტის პირველი სხდომა. მსგავსი სახის შეხვედრა, როგორც წესი, წელიწადში ერთხელ იმართება, მონაცვლეობის პრინციპით - ბრიუსელსა და თბილისში. კომიტეტის შემადგენლობაში ევროპარლამენტისა და საქართველოს პარლამენტის წევრები შედიან.

კომიტეტის მე-12 სხდომა ორი დღის განმავლობაში მიმდინარეობდა, რომელზეც საქართველოს საშინაო და საგარეო გამოწვევებსა და მიღწევებზე ხელისუფლების წარმომადგენლებმა მოხსენებები გააკეთეს. შეხვედრაზე ქართველ და ევროპელ კოლეგებს შორის მრავალ საკითხზე აქტიური დისკუსიები მიმდინარეობდა, რომელთა საფუძველზეც საპარლამენტო თანამშრომლობის კომიტეტმა **განცხადებისა და რეკომენდაციების** ტექსტი შეიმუშავა.

დოკუმენტმა საქართველოსთვის თითქმის ყველა აქტუალური საკითხი მოიცვა. კერძოდ, საქართველოსა და ევროკავშირს შორის არსებული ურთიერთობები, საქართველოში არსებული ზოგადი მდგომარეობა, ადამიანის უფლებათა დაცვის საკითხები, სიტუაცია აფხაზეთსა და ცხინვალის რეგიონში და საქართველოს ეკონომიკური მდგომარეობა.

რეკომენდაციების მიღებით ევროკავშირ-საქართველოს საპარლამენტო თანამშრომლობის კომიტეტის მე-12 შეხვედრამ მუშაობა დაასრულა. სხდომის შედეგები კითხვითა და პასუხით, ევროკავშირ-საქართველოს საპარლამენტო თანამშრომლობის კომიტეტში საქართველოს მუდმივმოქმედი საპარლამენტო დელეგაციის ხელმძღვანელმა - დავით დარჩიაშვილმა და ევროპარლამენტის დელეგაციის ხელმძღვანელმა - მილან ცაბრონმა პრეს-კონფერენციაზე შეაჯამეს.

როგორც დავით დარჩიაშვილმა განაცხადა, ევროკავშირსა და საქართველოს შორის თანამშრომლობის საპარლამენტო ფორმატი უკვე ათი წელია მოქმედებს და ის საკმაოდ მნიშვნელოვან როლს ასრულებს. მისი თქმით, მიღებული იქნა განცხადება და რეკომენდაციები, რომლებიც მიმართულია, როგორც საქართველოს ხელისუფლების, ასევე ევროკავშირისადმი.

დარჩიაშვილის ინფორმაციით, ტექსტში ასახულია საქართველოში არსებული პოლიტიკური, ეკონომიკური და სოციალური ვითარება, ასევე საქართველო-ევროკავშირის ურთიერთობების სამომავლო გეგმები, მათ შორის, „აღმოსავლეთის პარტნიორობის“ ინიციატივაში მონაწილეობა და ამ ინიციატივიდან გამომდინარე სავიზო რეჟიმის გამარტივება, საქართველოსა და ევროკავშირს შორის „ასოციაციის შეთანხმებისა“ და ღრმა და ყოვლისმომცველი თავისუფალი ვაჭრობის შესახებ ხელშეკრულების დადების პერსპექტივები.

დარჩიაშვილმა განსაკუთრებული ყურადღება გაამახვილა მიღებული დოკუმენტის იმ ნაწილზე, სადაც საუბარია რუსეთის მიერ საქართველოს ტერიტორიების ოკუპაციასა და ცეცხლის შეწყვეტის შეთანხმების შეუსრულებლობაზე. განცხადებაში საპარლამენტო თანამშრომლობის კომიტეტი გმობს რუსეთის ქმედებებს და მოუწოდებს ევროკავშირს, უფრო აქტიურად ჩაერთოს აღნიშნული პრობლემის გადაწყვეტაში. კომიტეტი ასევე მიესალმა საქართველოს მთავრობის ახალ სახელმწიფო სტრატეგიას ოკუპირებული ტერიტორიების მიმართ და გამოხატა იმედი, რომ ყველა მხარის ძალისხმევით შედეგად, შესაძლებელი გახდება მისი განხორციელება.

ევროპარლამენტის დელეგაციის ხელმძღვანელმა ასევე ისაუბრა კონფლიქტის ზონებში ევროკავშირის სადამკვირვებლო მისიის გაგრძელებისა და მისი მანდატის გაფართოების მნიშვნელობაზე.

მილან ცაბრონმა აღნიშნა, რომ ევროკავშირი მხარს უჭერს საქართველოში მიმდინარე დემოკრატიული რეფორმების „მეორე ტალღას“ და იმედი გამოთქვა, რომ ადგილობრივი არჩევნები დემოკრატიული ინსტიტუტების განმტკიცებისაკენ გადადგმული მნიშვნელოვანი ნაბიჯი იქნება.

მისივე თქმით, ევროკავშირისთვის საქართველო განიხილება, როგორც მნიშვნელოვანი და პრივილეგიებული პარტნიორი და მხარეებს შორის ურთიერთობების განმტკიცების საქმეში თანამშრომლობის ახალი ფორმატი - „აღმოსავლეთის პარტნიორობის“ საპარლამენტო ასამბლეა პოზიტიურ როლს შეასრულებს.

### ევროკავშირი

#### 7-8 აპრილი

გაფართოებისა და სამეზობლო პოლიტიკის საკითხებში ევროკომისიის — შტეფან ფიულეს ვიზიტი საქართველოში. (თბილისი, საქართველო)

#### 12 აპრილი

ევროკავშირის საბჭოს პოლიტიკურ და უსაფრთხოების საკითხთა კომიტეტის — „ტროიკას“ შეხვედრა. (ბრიუსელი, ბელგია)

#### 29 აპრილი

ვაჭრობის, ეკონომიკურ და შესაბამის სამართლებრივ საკითხებზე ევროკავშირ-საქართველოს ქვეკომიტეტის მე-9 შეხვედრა. (თბილისი, საქართველო)



#### საკონტაქტო ინფორმაცია

ევროკავშირის საინფორმაციო და დოკუმენტაციის ცენტრი საქართველო, თბილისი 0118  
რუსთაველის გამზირი 8  
საქართველოს პარლამენტი, C კორპუსი, ოთახი 126  
ტელ.: (995 32) 92 37 03  
ელ. ფოსტა: euinfocentre@parliament.ge

საქართველოს პარლამენტის ევროკავშირის ინტეგრაციის კომიტეტი საქართველო, თბილისი 0118  
რუსთაველის გამზირი 8  
ტელ.: (995 32) 28 17 08; (995 32) 28 13 92  
ფაქსი: (995 32) 28 13 49  
ელ. ფოსტა: europa@parliament.ge

# ავსტრიის პარიჯაღსი



**ავსტრიის კავშირის საკანტონის მთავრობის ხსარი სტრატეგია მონიტორინგი**

2010 წლის 11 მარტს ევროკავშირის საგარეო და უსაფრთხოების პოლიტიკის უმაღლესმა წარმომადგენელმა — კეტრინ ეშტონმა, ევროპის კავშირის სახელით, განცხადება გამოაქვეყნა. დოკუმენტში ნათქვამია, რომ ევროპული გაერთიანება ცნობად იღებს 27 იანვარს საქართველოს მთავრობის მიერ დამტკიცებულ „სახელმწიფო სტრატეგიას ოკუპირებული ტერიტორიების მიმართ: ჩართულობა თანამშრომლობის გზით“. განცხადებაში ასევე ვკითხულობთ, რომ ევროპის კავშირი მიესალმება საქართველოს მთავრობის მიერ აღებულ ვალდებულებას, კონფლიქტი გადაწყვიტოს მხოლოდ მშვიდობიანი და დიპლომატიური მეთოდებით. ევროპული გაერთიანება იწონებს ზემოთ აღნიშნული სტრატეგიის სულისკვეთებას და მიიჩნევს, რომ იგი მიმართულია აფხაზეთსა და ე.წ. სამხრეთ ოსეთში მცხოვრები მოსახლეობის მიმართ კონსტრუქციული ნაბიჯებისკენ დაძაბულობის განმუხტვისა და ნდობის აღდგენის კუთხით.

ევროკავშირი აგრეთვე მოუწოდებს საქართველოს მთავრობას, აწარმოოს კონსულტაციები ყველა დაინტერესებულ მხარესთან, რათა შესაძლებელი გახდეს სახელმწიფო სტრატეგიის განხორციელება. ევროპის კავშირი მიიჩნევს, რომ საქართველოს ხელისუფლებისთვის მთავარი პრიორიტეტი შესაბამისი საკანონმდებლო და ადმინისტრაციული ჩარჩოს უზრუნველყოფაა, რომელიც თავის მხრივ, ვენეციის კომისიის მიერ წარმოდგენილ მოსაზრებებთან შესაბამისობაში იქნება მოყვანილი.

განცხადების ბოლოს აღნიშნულია, რომ ევროპის კავშირი კვლავ ადასტურებს თავის მხარდაჭერას საქართველოს უსაფრთხოებისა და სტაბილურობის უზრუნველყოფის საქმეში, რომელიც დაფუძნებულია საერთაშორ-

ისო სამართლით აღიარებული საქართველოს დამოუკიდებლობის, სუვერენიტეტისა და ტერიტორიული მთლიანობის სრულ პატივისცემაზე.

## ავსტრიის კავშირი ერთიანი ენკავშირის ქსელი აპირებს

2010 წლის 4 მარტს ევროკომისარმა ენერგეტიკის საკითხებში — გიუნტერ ეტინგერმა განაცხადა, რომ ევროკომისია ევროკავშირის წევრ ქვეყნებში გაზისა და ელექტრო მაგისტრალების მოდერნიზაციისთვის 2.3 მილიარდი ევროს მობილიზებას აპირებს. ეტინგერის თქმით, აღნიშნული თანხა ევროკავშირის ერთიანი ენერგეტიკული ქსელის შექმნას მოხმარდება, რითაც ევროგაერთიანება თავის ენერგეტიკულ უსაფრთხოებას მნიშვნელოვნად გააძლიერებს.

2009 წელს ევროკომისიამ ამ კუთხით უკვე გამოყო 1.5 მილიარდი ევრო, რომლის ათვისებაც 18 თვის განმავლობაში მოხდება.

## საკანტონო ავსტრიის კავშირის საპროგრამა გეგმავს ორგანიზაციის გზაზე კიდევ ერთ ნაბიჯს

2010 წლის 5 მარტს თბილისში პარაფირებულ იქნა საქართველოსა და ევროკავშირის შორის საჰაერო მომსახურების სფეროში ყოვლისმომცველი ხელშეკრულება, რომელიც მხარეების საავიაციო ბაზრების გახსნას, ინტეგრირებას, თანამშრომლობის განმტკიცებასა და მომხმარებლებისა და ავიაოპერატორებისათვის ახალი შესაძლებლობების შექმნას ითვალისწინებს.

გასული ექვსი თვის განმავლობაში ჩატარებული მოლაპარაკებების სამი რაუნდის შედეგად მხარეები შეთანხმდნენ, რომ ხელშეკრულების ხელმოწერა და ორი წლის განმავლობაში საქართველოსა და ევროკავშირის შორის, საერთო წესების საფუძველზე, ჩამოყალიბდება „საერთო საჰაერო სივრცე“.

ხელშეკრულების შედეგად, ყველა ევროპულ ავიაკომპანიას შესაძლებლობა ექნება, შეასრულოს პირდაპირი რეისები საქართველოში ევროკავშირის წების მიერი წერტილიდან. ქართულ კომპანიებსაც ასევე შეეძლება შეასრულონ რეისები ევროკავშირში. ხელშეკრულების შედეგად, გაუქმდება ყველა ბარიერი საქართველოსა და ევროკავშირის შორის ფასებსა და რეისების ყოველკვირეულ რაოდენობაზე.

ევროკავშირის მსგავსი ხელშეკრულებები უკვე გააფორმა დასავლეთ ბალკანეთის სახელმწიფოებთან და მაროკოსთან. ამჟამად ევროგაერთიანება მსგავსი ხელშეკრულებების გაფორმე-

ბის თაობაზე მოლაპარაკებებს აწარმოებს უკრაინასთან, იორდანისთან, ისრაელთან, ლიბანთან, ტუნისსა და ალჟირთან.



**ავსტრიის კავშირის საკანტონის მთავრობის ხსარი სტრატეგია მონიტორინგი**

ეს განცხადება ბრიუსელში საქართველოს პრემიერ-მინისტრთან შეხვედრის შემდეგ ევროპული საბჭოს პრეზიდენტმა - ჰერმან ვან რომპუიმ გააკეთა. ოფიციალურ განცხადებაში მან ასევე აღნიშნა, რომ „აღმოსავლეთის პარტნიორობის“ ფარგლებში მნიშვნელოვანი ნაბიჯებია გადადგმული და აგრეთვე დასასრულს უახლოვდება კონსულტაციები „ასოცირების შეთანხმების“ ძირითად საკითხებზე. რომპუიმ ასევე განაცხადა, რომ საქართველო სამხრეთ კავკასიის ერთადერთი ქვეყანაა, რომელიც წარმატებით წარმართავს მოლაპარაკებებს რეადმისიისა და სავიზო რეჟიმის გამარტივების შეთანხმებებთან დაკავშირებით.

ევროპული საბჭოს პრეზიდენტმა კიდევ ერთხელ გაუსვა ხაზი საქართველოს ტერიტორიული მთლიანობისა და სუვერენიტეტისადმი ევროკავშირის მხარდაჭერას და აღნიშნა, რომ ევროპული გაერთიანება რუსეთისგან ცეცხლის შეწყვეტის შესახებ შეთანხმების ვალდებულებების შესრულებას მოელოს.

## პენსია და კორუპციასთან საპროგრამა შეთანხმდება

2010 წლის პირველ მარტს ევროკომისიამ ინფორმაცია გაავრცელა, რომლის მიხედვითაც, ევროკავშირმა პერუსა და კოლუმბიასთან თავისუფალი სავაჭრო შეთანხმების გაფორმების შესახებ მოლაპარაკებები დაასრულა. შეთანხმება მოიცავს სოფლის მეურნეობისა და მანუფაქტურულ ნაწარმს, მომსახურების სფეროსა და ინვესტიციებს.

შეთანხმება ასევე გულისხმობს ორ მხარეს შორის სამრეწველო ნაწარმითა და თევზით ვაჭრობის სრულ ლიბერალიზაციას. ევროპის პარლამენტისა და ევროკავშირის წევრი სახელმწიფოების მიერ დოკუმენტის რატიფიცირების შემ-

### ავსტრალიის სტატისტიკა

#### ავსტრალიის ეკონომიკის მდგომარეობის შესახებ მონაცემები

როგორია ქალებისა და მამაკაცების სიცოცხლის ხანგრძლივობა ევროკავშირში და როგორი იქნება იგი 2030 წლისათვის? როგორია გენდერული თვალსაზრისით უმუშევრობის დონის მაჩვენებელი? რა სხვაობაა ქალებისა და მამაკაცების მიერ ინტერნეტით სარგებლობის სტატისტიკაში? ამ და სხვა მრავალ კითხვაზე პასუხი ევროკავშირის სტატისტიკური სამსახურის - „ევროსტატის“ მიერ ქალთა საერთაშორისო დღეს, 8 მარტს გამოქვეყნებულ მოხსენებაში არის ასახული. დოკუმენტი გენდერულ საკითხზე „ევროსტატში“ არსებული ინფორმაციის მხოლოდ მცირე ნაწილს მოიცავს.

2008 წლის მონაცემების მიხედვით, ევროკავშირში სიცოცხლის საშუალო ხანგრძლივობა ქალებისათვის შეადგენდა 82.2-ს და კაცებისათვის - 76.1 წელს. ეს მაჩვენებელი ქვეყნების მიხედვით განსხვავდება. მაგალითად, ქალებისათვის ბულგარეთში იგი 77 წელია, ხოლო საფრანგეთში - 84.9 (2007 წლის მონაცემით). მამაკაცებისთვის სიცოცხლის საშუალო მინიმალური და მაქსიმალური ხანგრძლივობა შესაბამისად იყო 66.3 (ლიტვა) და 79.2 წელი (შვედეთი). ქალთა და მამაკაცთა სიცოცხლის ხანგრძლივობას შორის ყველაზე დიდი სხვაობა დაფიქსირდა ლიტვაში (77.6 წელი ქალებისთვის და 66.3 მამაკაცებისათვის), ესტონეთსა (79.5 და 68.7) და ლატვიაში (77.8 და 67), ხოლო ყველაზე მცირე სხვაობა იყო ჰოლანდიაში (82.5 და 78.4), შვედეთსა (83.3 და 79.2) და დიდ ბრიტანეთში (81.8 და 77.6). 2030 წლისათვის პროგნოზირებული მონაცემებით, ევროკავშირში სიცოცხლის საშუალო ხანგრძლივობა იქნება 85.3 წელი ქალების და 80 წელი მამაკაცებისათვის.

გენდერული თვალსაზრისით, დასაქმების სურათი ასევე განსხვავებულია ყველა ქვეყანაში. წლების მანძილზე ქალთა უმუშევრობის მაჩვენებელი ყოველთვის აღემატებოდა მამაკაცებისას. 2009 წლის მაისიდან კი პირველად დაფიქსირდა მამაკაცთა უმუშევრობის მაღალი ციფრი. ასეთი მაჩვენებელი მიმდინარე ეკონომიკური კრიზისის შედეგს ასახავდა. ნარმოების სექტორში გათავისუფლებული სამუშაო ადგილები ძირითადად მამაკაცებს ეკავათ. 2010 წლის იანვარში ევროკავშირში უმუშევრობის საშუალო მაჩვენებელი იყო 9.3% (ქალები) და 9.7% (მამაკაცები). აქედან 15 წევრ სახელმწიფოში ქალთა შორის უმუშევრობა უფრო მცირე იყო ვიდრე მამაკაცებში. ყველაზე დიდი სხვაობა ამ მხრივ ბალტიის ქვეყნებში დაფიქსირდა. 2009 წლის მესამე კვარტალის მონაცემებით, ევროკავშირში ქალთა 58.7% და მამაკაცთა 71% დასაქმებული იყო, მაშინ როცა 2008 წლის იმავე მონაცემებით ეს რიცხვი 59.4%-სა და 73.3%-ს შეადგენდა.

განსხვავებული სურათია ქალებისა და მამაკაცების მიერ ინტერნეტის გამოყენების კუთხითაც. 2009 წელს 16-დან 74 წლამდე ასაკის ქალთა 55% და მამაკაცთა 60% სარგებლობდა ინტერნეტით ელექტრონული ფოსტის გამოყენების მიზნით. ინტერნეტ-ბანკინგს ქალთა მხოლოდ 30% და მამაკაცთა 35% მიმართავდა. პერიოდული პრესის გასაცნობად ინტერნეტს ქალთა 27% და მამაკაცთა 35% იყენებდა. ქალებისა და მამაკაცების მხოლოდ 15% სარგებლობდა ინტერნეტით სამსახურის მოსაძებნად.

დედ ევროკავშირში იმპორტირებული პერუს ნაწარმის 80%, ხოლო კოლუმბიის - 65% სატარიფო გადასახდებისგან გათავისუფლდება. დანარჩენ პროდუქტებზე მსგავსი შეღავათის გასაგრძელებლად სპეციალური განრიგი შემუშავდება.

ევროკავშირი პერუსა და კოლუმბიას ეკონომიკის მოდერნიზებაში დახმარებას გაუწევს, რათა სავაჭრო შეთანხმების უპირატესობები ბოლომდე იქნას გამოყენებული.

#### ბალკანეთის ქვეყნებთან სავაჭრო რეგიონის გააქვების შედეგად ბალკანეთის ანტიკორუფციის თავისუფლების პროგრამის წინაშე წარსული

ევროკავშირის მხრიდან ბალკანეთის სამ ქვეყანასთან (მაკედონია, სერბეთი, მონტენეგრო) სავაჭრო რეგიონის გაუქმების შემდეგ ბელგიაში თავშესაფრის მთხოვნელთა რიცხვმა საგრძობლად იმატა. მაგალითად, მაკედონიიდან მხოლოდ 2010 წლის იანვარ-თებერვლის მონაცემებით, თავშესაფრის მსურველთა რიცხვმა 401 ადამიანი შეადგინა, მაშინ როდესაც მთლიანად 2009 წლის განმავლობაში მაკედონიიდან სულ 200 განცხადება შევიდა.

იგივე ხდება სერბეთის შემთხვევაშიც. ბელგიაში თავშესაფრის მოთხოვნით დოკუმენტაცია 2010 წლის 2 თვეში 347-მა სერბეთის მოქალაქემ შეავსო. ბელგიაში ცხოვრების უფლება მხოლოდ მათ აქვთ, ვისაც თავშესაფარი ოფიციალურად აქვს მიღებული. დაწინებული ანკეტები უკან სამშობლოში იგზავნება.

ევროკავშირთან თავისუფალი მიმოსვლის მოლოდინში ახლა ალბანეთი, ბოსნია და კოსოვო არიან. თუმცა ბელგიის პრემიერ-მინისტრის - ივ ლეტერმეს წარმომადგენლის, დომინიკ დეჰინის განცხადებით: „სავაჭრო რეგიონის ლიბერალიზაცია კარგი რამ არის, მაგრამ იგი სწორად უნდა იქნას გამოყენებული“.

ევროკავშირთან უვიზო რეჟიმის დამკვიდრებას მომავალში საბჭოთა კავშირის ყოფილი ქვეყნები - უკრაინა, საქართველო და რუსეთიც მოელიან. თუმცა ზოგიერთი ექსპერტის აზრით, ბელგიის გამოცდილებამ შესაძლოა სამომავლოდ ამ საკითხზე ევროპული გაერთიანების მოქალაქეთა მხარდაჭერა შეასუსტოს.

#### მთლიანად ახარ იქნება ევროკავშირმა მხარი დაუჭირა

24 მარტს ბრიუსელში დონორთა კონფერენცია გაიმართა, რომლის მიზანსაც მოლდოვასთვის ფინანსური დახმარების აღმოჩენა წარმოადგენდა. შეხვედრაზე სულ 1.9 მილიარდი ევროს ოდენობის საერთაშორისო დახმარების მობილიზება მოხერხდა, რითაც კიდევ ერთხელ დადასტურდა მოლდოვას „პოსტ-რევოლუციური“ მთავრობისადმი დემოკრატიული ქვეყნების მხარდაჭერა და აღიარება.

თანხის ნაწილი მოლდოვას სესხის სახით გადაეცემა, ნაწილი კი - გრანტის სახით. დონორთა შორის იყვნენ ევროპის კავშირი, საერთაშორისო სავალუტო ფონდი, მსოფლიო ბანკი, აშშ, იაპონია და სხვ.

აღნიშნული დახმარების გარდა, ევროკომისია მოლდოვასთვის მაკრო-საფინანსო დახმარების სახით დამატებით 90 მილიონი ევროს გამოყოფას აპირებს. ამასთანავე, ევროკომისიას დაგეგმილი აქვს, მოლდოვასთან უახლოეს თვეებში დაიწყოს მოლაპარაკება თავისუფალი ვაჭრობის შეთანხმების გაფორმებისა და უვიზო მიმოსვლის თაობაზე.

გამოყენებული წყაროები:  
[www.euobserver.com](http://www.euobserver.com);  
[www.delgeo.ec.europa.eu](http://www.delgeo.ec.europa.eu);  
[www.europa.eu](http://www.europa.eu);





# ევროპარიტრა

ვაგრძელებთ დაიჯესტის წინა ნომრებში (იხ. „ევროპის დროით“ 2010 წლის N1, N2) დანყებულ რუბრიკას - განათლება ევროპაში და განვდით ინფორმაციას კიდევ ერთი სასწავლო სტიპენდიის შესახებ.

ვენის (ავსტრია) ტექნოლოგიის უნივერსიტეტი იწყებს განაცხადების მიღებას დოქტორანტურის კურსის გასაველეად შემდეგ სპეციალობებში:

- ბიზნეს-ინფორმაცია;
- გამოთვლითი დამუშავების შედეგები;
- კომპიუტერული უზრუნველყოფა;
- გამანაწილებელი და პარალელური სისტემები;
- მედია-ინფორმაცია და გრაფიკული გამოთვლები.

სტიპენდიის ფარგლებში 15 ადგილობრივი თუ საერთაშორისო სტუდენტი ყოველთვიურად მიიღებს სტიპენდიას 1000 ევროს ოდენობით საცხოვრებელი ხარჯების დასაფარად.

წარსული აკადემიური კვალიფიკაციისა და პრაქტიკული საქმიანობის გამოცდილების გარდა, სავალდებულოა ინგლისური ენის ცოდნის დამადასტურებელი დოკუმენტი (TOEFL, IELTS, CAE პროგრამებიდან ერთ-ერთში მიღებული შეფასების ფურცელი).

დაინტერესებულმა კანდიდატებმა უნივერსიტეტის დოქტორანტურის სკოლის ელ. ფოსტაზე: [phdschool@informatik.tuwien.ac.at](mailto:phdschool@informatik.tuwien.ac.at) ელექტრონული სახით (PDF ფორმატში) უნდა გააგზავნონ შემდეგი დოკუმენტები:

- მაგისტრის ან უფრო მაღალი ხარისხის დამადასტურებელი დოკუმენტი (დიპლომი) გავლილი კურსების ჩამონათვალთან და აკადემიური მოსწრების მაჩვენებელ დანართთან ერთად
- სამაგისტრო ნაშრომი
- რეზიუმე (CV)
- სამოტივაციო წერილი
- მინიმუმ 2 სარეკომენდაციო წერილი სხვადასხვა რეკომენდატორისგან (რომელთაგან ერთ-ერთი მინც სამეცნიერო-პედაგოგიურ მოღვაწეობას ეწევა კანდიდატის მშობლიურ უმაღლეს სასწავლებელში)
- ინგლისური ენის ფლობის დამადასტურებელი სერტიფიკატი
- კანდიდატის პირადობის მოწმობის ასლი (მხოლოდ ფოტოსურათისა და პირადი ინფორმაციის შემცველი გვერდები)
- ხარისხის დამადასტურებელი სერტიფიკატის ოფიციალურად დამოწმებული ასლები
- სასურველია კანდიდატის მიერ ვენის უნივერსიტეტში ყოფნისას კვლევით-მეთოდოლოგიური საქმიანობის გეგმის (დეტალური აღწერა) წარმოდგენა.

განაცხადების გაგზავნის ბოლო ვადაა 2010 წლის 7 მაისი. სტიპენდიების შესახებ ნებისმიერი დამატებითი ინფორმაციის მისაღებად შეგიძლიათ იხილოთ შემდეგი ვებ-გვერდები:

- [www.informatik.tuwien.ac.at/teaching/doctoral/phdschool/](http://www.informatik.tuwien.ac.at/teaching/doctoral/phdschool/)
- [www.informatik.tuwien.ac.at/teaching/doctoral/phdschool/phdschool-application.pdf](http://www.informatik.tuwien.ac.at/teaching/doctoral/phdschool/phdschool-application.pdf)
- [www.informatik.tuwien.ac.at/teaching/doctoral/phdschool/application.html](http://www.informatik.tuwien.ac.at/teaching/doctoral/phdschool/application.html)



ვენის ტექნოლოგიის უნივერსიტეტი

## გაკითხეთ ავროპაში მისი შესახებ ☎ 28 13 29



### რას მიიხაზვს ფუნდამენტურ უფლებათა ევროპული პარიტი კანტიის ეს როლის შეიქმნა იმით

ფუნდამენტურ უფლებათა ევროპული პარიტი უმნიშვნელოვანესია გამოქვეყნებულ ევროპულ დოკუმენტებს შორის.

ფუნდამენტურ უფლებათა ევროპულმა პარიტამ თავი მოუყარა ცალკეულ დოკუმენტებში გაბნეულ დებულებებს.

1999 წლის 3-4 ივნისს ევროპის საბჭომ მიიღო ფუნდამენტურ უფლებათა ევროპული პარიტი, რომელშიც ჩამოთვლილია ფუნდამენტურ უფლებათა ექვსი მიმართულება: ღირსების, თავისუფლების, თანასწორობის, ერთობის, მოქალაქეობრივი და სამართლიანობის უფლებები. აღნიშნული უფლებები საყოველთაოა მიუხედავად ეროვნებისა, წარმომავლობისა, რასისა და სქესისა.

[euinfocentre@parliament.ge](mailto:euinfocentre@parliament.ge)

ფუნდამენტურ უფლებათა პარიტი დროდადრო განიცდის ცვლილებებს და მასში შედის დამატებები, რაც განპირობებულია თანამედროვე გამოწვევებით. მაგალითად, უახლესი ინფორმაციული ტექნოლოგიებისა და გენეტიკაში არსებული სიახლეებით, რაც აგრეთვე უნდა მოექცეს გარკვეულ ჩარჩოში და არ უნდა არღვევდეს ადამიანის ფუნდამენტურ უფლებებს.

ფუნდამენტურ უფლებათა ევროპულ პარიტაზე დამატებითი ინფორმაცია იხილეთ შემდეგ ვებ-გვერდზე:

[http://ec.europa.eu/justice\\_home/unit/charte/en/charter-pre-amble.html](http://ec.europa.eu/justice_home/unit/charte/en/charter-pre-amble.html)

კონრად ადენაუერის ფონდის დაფინანსებით  
“ავროპის ძლიერება”  
იბეჭდება საქართველოს 4 რეგიონულ გაზეთში

